

DYÀMWÀMWÀ DYÀ CILÀMBÀ

CIKÙDIKA CYÀ CIKONDO

Ndi muswè kumanyisha mwab'ewu ne masambila ènù mmandàmùnyìlbwe, mmasangisha àà bwena atùvwà naawu pâncivwà ku mbangilu kwà mudimu wànyì wà bwambi, kûkaadi bidimu byàbûngì. Ncitu kacya... Katùvwa nànsha ne pàà kusòmbesha bantu to. Nènku tuvwa tupeta myaba yà madimi ne bikwàbò byônsò, bàvwa bafwànyìne kwikalà bûngì bukùmbàna kuntwaku pa dîbà isàtù jaajaaja, bwà kuuja mwaba awu têntè. Bâvwa benzéjìlbwe bwà kukànga biibi, kabàvwa mwà kubàbweja to. Pèètù tûvwa tukufika ànu pa dîbà mwandamutekête. Nwamònou anyì? Ànu binunu bïicikila bifùmina nseke yônsò. Ànu...

2 Ke mêmè kwangata malòòlò àtaanù à ndekeelu mu misangisha à ndekeelu, ne kushindamijila ànu pa Dîyì, kubanga kumònà bukolè bùvwà naabò Dîyì. Nwamònou anyì? Bwalu, Dîyì n'Nzambì. Nwamònou anyì? "Kú cibangidilu kwâkadi Dîyì, Dîyì dyàkadi ne Nzambì, ne Dîyì dyàkadi Nzambì. Ne Dîyì dyàkavwijiibwa mubidi ne dyàkasòmbela munkaci mwètù."

3 Mpindyewu, Ebèlù 4 mmwambè nànkú, ne: "Dîyì dyà Nzambì nditwè kutàmba mwele wa mvità wà nseke yibìdì." Nwamònou anyì? "Dîyì dyà Nzambì nditwè kupita, dìtùbula too ne ku ditàpulula dyà mufùbà, ne dìkòsa, ne dijinguludi dyà meeji à mu meeji, mu mwoyi." Nwamònou anyì? Ki cyôcì aci, Dîyì dyà Nzambì.

4 Pashìishe kwôkò kwikàle dipà dyà twetu mwà kudilekelelakù ànu cyanàànà; ne Dîyì, Dyôdì diinè, dìdì Kilistò, Yéyè udi Dîyì awu, ùbwela munda mwètù, ne ùjingulula meeji à mu meeji, munùdì bamòne cyôcì eci. Nwamònou anyì? Mbilenge byà dikëma. Nènku, pa kumònà cìdiYe mwenze ne mùshindù ûdìYe mutùbènèshe! Nènku dîbà adi...

5 Aci, ndi ngùmvwà ne, kuciìbakila ku nyùngulukilu wa Dîyì adi munda mwà malòòlò ànaayi, kulekela ànu bantu basòmbe hòlàà, ne dîbà adi kudilekelela ànu cyanàànà, nènku Nyumà Mwîmpè mmufwànyìne kubììkila bantu ne kwenza bintu mu batèèleji amu.

6 Ne pashìishe, mu dildòòlò dyà ndekèèlu adi, mu dyàlumingu dishààle mu mapingaja, mêmè kumònà ùmwè wà ku milongo mitàmbe bulenga yà babèdì yinkaadìku mumòne mu Àmèrikè emu. Nwamònou anyì? Bâvwa... Mvwa mutùme Billy ne twartà lukàmà, ne Gene ne lukàmà, ne Leo ne lukàmà, ne Roy ne lukàmà, baabanye ànu twartà twônsò atu, tutwè ku

nkàmà yìtaanu. Ne pashìishe paanyimà pàà bôbò bamanè kumònà Dîyì dikwàta mudimu, ne cìvwàDi mwà kwenza aci, pashìishe kushàala ànu pa Dîyì adi mpindyewu, kubàtwàla ku cibùmbà cyà ku cyambilu. Ki mêmè kumònà balùme ne bakàjì bìimansha mabaya àbò à balèmà, ne bikwàbò, ne bòndopiibwa kumpàla mene kwà kufikabò ku cibùmbà cyà ku cyambilu, ànu pa kumònà. Nwamònù anyi? Dîyì dyà Nzambì dìkaadi dimane kupàtuka, dipàtuke diyè kwàka, ne dijaame mu Mayiisha àtaanu, anyì Mayiisha ànaayi, munda mwà myoyi yàbò, too ne mwàka Cìitabujàbo ne mwoyi wàbò mujimà. Pashìishe, cintu cìmwèpelè cìvwàbo mwà kwenza, nkwikala ne mùshindù kampànda wà dipetangana dikesè, nwamònù's, cintu cikampànda, ne cìvwà cilelèlà. Nènku mbenze ànu bàfika ku cibùmbà cyà ku cyambilu aku, bàvwa bafwànyine kwondopiibwa pwòpò pa cib-... ànu kumpàla mene kwà kupìcilibò ku cibùmbà aku.

⁷ Ngèèla meeji ne, bânà bètù aba, nwêñù bônsò nudi bamanyè Mwanèètù Ed, Mwanèètù Ed Hooper. Kî mmwômò anyì? Nwêñù bàà ku Arkansas, kwinshì kwàka? Wàkatuutakeena... Yéyè ùvwa naanyì mu bitùpà byà kumpàla byà mbangilu wa mudimu wànyì wà bwambi. E kwambayè ne: "Eci cìvwa cìmwèka bu cyà bikondo byà kale," mwàkambayè, "mmùshindù ùvwabò ne ciibidilu cyà kwenza, kùkaadi bidimu."

⁸ Ne kùvwa bantu bàvvà ne byûja bìvvà—bìvvà mùshindù awu, bààkaalukila, basàngàle. Mpofo, mpudi macì, tumàmà, bintu byà mishindù yônsò bìvvà Mukalenge wètù mwenze. Ncìvwa nànsha ne cyà kulenga bantu nànsha. Dîyì dipàtuka dìcyènza.

⁹ Pashìishe Mukalenge e kumpèeshà Mukenji ûndì njinga kwambila èkèleziyà, mîngà misangu, pândì ngààlukila, njikija mpungà awu. Ndi ne mudimu wàbûngi be. Mpindyewu ndi ne cyà kuumuka kàbìdì, mààlabà, ndi mwindile bwà mwâna wa bakàjì ewu kulwayè. Nènku kumpàla mene kwà mêmè kubweja mushèètà wànyì wà bilàmbà mu nzùbu, kùvwa muntu kampànda mwaba awu. Kwambwila ànu piinè apu ncyèna musòmbeku pansi, menemene to. Nwamònù anyì? Ncyèna muyiikile nànsha ne dìkù dyànyì mene to kacya ngâlwà. Nwamònù anyì? Nènku cidi—cidi ndutàtu lwà menemene. Nènku ndi ne cyà kunùlòmba masambila ènù bwànyì mêmè, kàbìdì, bwà Mukalenge kungambulwishayè bwà ngaashààla mukwàte bikolè.

¹⁰ Mpindyewu...[Katùpà kàà mukàbà wa mèyì munda mutupù—Muf.] Nwamònù's mwanèètù wa balùme ewu, usaama bikolè, bikolè menemene, mulààdika pa kalààlù kàà dibùnya aka. Nènku tudi...

¹¹ Muntu kampànda ulwalwa, mu katancì kakesè emu, bwètù twêtù, bwà kuya ku Louisville. Ndi muswè bwà nwêñu kuvùluka

kàbìdì, mu disambila, inábànzà wa citende, udi, kêna mwanjì kwikalà nànsha ne bidimu bitwè ku dikumi ne mwandamukùlù to. Yéyè ndipàsa, mwânà wa bakàjì mwena Kilistò mu cilongelu. Ne bânà bàà bakàjì bakwàbò bàvwa mwà kwakula bwèndè, nudi bamanyè's, bânà bàà bakàjì bàbìdì, ne kubàmbila mùshindù ùvvàbo awu, citùpà kaayi cyà mwoyi civwàbo bàjìmija, ne mùshindù ùvvàbo ne cyà kwikalà bënda bu bakwàbò bânà bàà bakajì bônsò aba. Kàdi mwânà wa bakàjì ùmwèpelè ùvvwa mukùmbâne bwà kucitâmba. Mukwàbò ewu yéyè ùvvwa ùùmvwa bundù, ne ùvvà udyùmvwa bibì menemene bwà bwalu abu, ne kutùngunukaye ne kulaluka, ne kwenda kulalakana ùtamba kwalukila cyànyimà, ne mwikàle ùditâcisha bwà bwalu abu. Ndekeelu wa byônsò e kupetaye dinyùnguluka dyà mutù. Ki bôbò... Ùdi ku cikùnyì. Mamwéndè ne tatwéndè bâdi bâlwà, ànu mu katancì emu, buumukila ku Crandall, mu Indiana, bwà kuya kwàka ku lùpitàadì kwàteetàbo bwà kumutùma, ku Madison, mààlabâ.

¹² Mpindyewu, nsongààkàjì ewu—ewu, kakwèna lutàtù lwà mubidi munda mwà nsongààkàjì awu to. Yéyè... Kakwèna cintu nànsha cìmwè to, mu mubidi emu. Ùdi ne mubidi tumatuma. Kàdi mbikolè menemene bwà kucyùmvwija. Ne bulelèlè menemene kacyèna mwà kumvwijiibwa to. Cìdiku ncyà ne, nyumà wendè mmulalàkàne. Nwamònú anyì? Mpindyewu, udi—udi ne cyà kubàkula nyumà wendè ne kumwaluja pa mwaba wèndè. Nwamònú anyì? Kudi...

¹³ Ànu, patwàdibwinkì mu kwakula mwaba ewu, mu mbingu mikesè cyanàànà, pa mùshindù ùdì ndongolwelu wa buumùntù ùkwàta mudimu. Mùshindù ùdiku byumvwilu bìtaanù byûdì ubwelelakù mu mubidi, twamba ne mìsèèsù yìtaanu mutùdì mwà kucibiìkila. Mìsèèsù yìtaanu, bu mùdi—bu mùdi kwondò kàà mwoyi, dilukakaja dyà lungenyi, ne bikwàbò, nkutùdì tubwelela ku musùùkà. Ne pashiìshe paùdì ubwela mu nyumà, kùdi mìsèèsù ànu wùmwèpelè, ne wôwò awu ngwà kupìcila ku bùdiswile, ùdì ùcishindikila ànu pa mwà kafùkiibwà muntu amu.

¹⁴ Udi mwà kuCyàkidila, anyì udi mwà kuCìbènga. Udi mwà kwitaba Kilistò bu Musùngidi, anyì kuMubenga. Ne wêwè ucìdi ànu ku Muci awu, wà Mwoyi ne wà lufù. Muntu yônsò mmutèèkìibwe kumpàla kwà Muci awu, ànyì Nzambi mmufwànyìne kwikalà mwena kànsungànsùngà bwà kutèèka umwe pààpa, ne pashiìshe kubènga kupèèsha dyèse dimwèdimwè adi dyà—dyà kusungula cîmpè anyì cibì to. Ne yônsò wa kutùdì ùdi ne mpùngà awu.

¹⁵ Kàbìdì, mu cyòcì aci, nyumà, tudi mwà kwondopiibwa, anyì katwèna mwà kwondopiibwa to. Mpindyewu, kí mbwalu ne kakwèna... ne katwèna bwondòpììbwe bilondèshile Nzambi to. Tudi bwondòpììbwe. Bwalu cipungidi ki ncyà mushingà to. Kàdi Yéyè ùkaadi mumane kutùpetela dyondopiibwa dyètù.

Ki bwà cinyì, dyondopiibwa dyètù didi—kutùdì twêtù. Ndyètù. Mpindyewu, bwalu mbwà ne anyì tudi tulonda *ewu* mùsèèsù, bwà kudiìtabuuja; anyì *ewu* mùsèèsù, bwà kubènga ànu kudiìtabuuja. Mpindyewu, kùdi mùshhindù ànu wùmwèpelè wutùdiku mwà kubwela mu Bwikadi bwà Nzambì.

¹⁶ Mpindyewu, mwânà *ewu*, mulenga kumònà, mamwèndè mmulunda wanyì wa bakàji. Mêmè, ekèlekèle... Kaa, kale wàwa ùvwa umwe wa ku balunda bàànyì bàà bakàji. Ùvwa inâbànzà mutekète mulengèle, mupâtùkile mu dîkù dyà dîsù dikolè dyà ba-Nazaréens, kânà kàà bakàjì katekète kàà kalolo. Kâbidì ùdi ne bàyendè mulengè. Ndi mumumanyè, mêmè pêndè, mwîmpè wa wòò, nsongààlùmè udi mumusèle awu. Ne yêyè mukàjì awu mucikàle ànu mwânà mutekète... Bâvwa bakolëshe bânà abu bwà kusadilabò Mukalenge, ne bâvwa babâbweja mu kàalaasà. Nunku bâvwa bélè miji mu Kilistò, kabiyi bwà kwenza maalu mabi nànsha. Kâdi kubangilabì ànu mwaba awu.

¹⁷ Ànu mu diimanyika dikesè, byenze ànu bu mûndì... ngatàngidi mu katancì kakesè cyanàànà, ne ngôshì dîsù paànyimà kùdi nsongààlùmè mukesè, ùvwa ne cintu ànu cyôci cìmwècìmwè aci, memene. Nènku ku... Twêtù kupweka kuntwaku dilòòlò kampànda, kwà Mwanèètù Wright, ne Orville ùvwa ànu—ànu mujimije lungènyi lwônsò. Ne, nudi bamànye's, ùvwa muwfânyine kuteeta bwà kungiipata mu nzùbu; nànsha mutùdì balunda bîmpè mêmè ne Orville amu, byenza bulelèlè ànu bu ne mvwa tatwèndè. Ngààkaswìka dibàkà dyà tatwèndè ne mamwèndè, pàmwè. Ki yêyè kutùpika wèla lubilà ne: “Pàtuka mwab’ewu! Pàtuka mwab’ewu! Pàtuka mwab’ewu!” Nwamònù anyì?

¹⁸ Mpindyewu, citùvvà ne cyà kwenza mwaba awu cìvwa ncyà kùpàtuka kubwela mu bipaapu byà nyumà ne kubàkula nyumà wa nsongààlùmè awu. Nwamònù anyì? Dibungama dyàbûngì dìkaavwa dikwàte mwoyi wèndè mukesè. Úcidi nsongà wa citende, kâdi ùkaavwa mumònà byàbûngì. Ne kumwaluja ànu kaaba kàvwàye ne cyà kwikalà aku. Nudi numònà anyì? Mu matùkù makesè, ùkaavwa—ùkaavwa bîmpè.

¹⁹ Mpindyewu, ki cintu cìmwècìmwè aci cìdì cìkèngela wêwè kwenza pa cyôci eci. Nkààdi mucìmònè, ne ndi mumanyè ne ncilelèlè. Kâdi mpindyewu, ànu... Ndi—ndi nnùlòmba nwénù bônsò bwà kusambilà mpindyewu, bwà—bwà Nzambì ànkwàcishèku bwà kupeta mwânà mukesè wa bakàjì *ewu*. Kumupâtùla mu mwaba, ùdiye kàyì mumanyè ne mpenyi pàdiye ûsanganyiibwa to, dîbà adi kumwaluja pa mwaba wèndè. Mùsèèsù awu wùdi wùpícila ku diitabuuja. Nwamònù's, kêna mwà kwikalà ne diitabuuja bwèndè yêyè mwinè to. Yêyè kêna mumanye ne ùdi penyì, anyì ní ncinyì to. Nwamònù anyì? Bidi—bidi bikèngela diitabuuja dyètù kaaba aka.

²⁰ Nènku mpindyewu, mu cyôci aci, bukolè bwà dibìikà dyà

ku lufù dyà Kilistò abu, bùdì Ye mutùpèèshèle mpùngà abu. Ki mwaba awu, wêwè, mu mùshindù kampànda, ùdi Dìyì dyà Nzambì dítùbula ngènzàmpèkààtù. Nènku Cidi ne cyà kusambuka diyiisha dyà Dìyì dìdì dipàtuka. Ki bwà cinyì mvwa muswè kwakulakù ndambù mu dindà emu kumpàlè kwà kusambidila babèèdì. [Katùpà kàà mukàbà wa mèyì munda mutupù—Muf.]

²¹ Nudi bavùlùke cìkèènà-kumònà aci, ànu matùkù mashààle aa, civwà Mukalenge mumpèèshe, nudi bamanyè's, bwà kumònà Luseke lukwàbò alu anyì? Nudi bavùlùke dindà adi pâmvwà mfila bujaadiki bwà dimònà dyà Luseke lukwàbò anyì? Èè, bùvwa bulelélà.

²² Ne *Dìyì* dyà Bantu Beena Kantu ku byanza bàà Èvànjeeliyò mu Kaabujimà dìvwa dipàtùle kanungu aku mu cikàndàkàndà, ne dítèèke fôtô paanyimà pàà dibèji apu. Nènku cidi ne kantu kakesè kafunyika lwà kwinshi eku ku ndekeelu, katùpà kakesè lwà kwinshi, kààkula bwà mudimu wà bwambi. Cyôci eci, ncikàndàkàndà cyà buloba bujimà cifûnda mu myakulu mishìllàngàne. Kàdi bâvwa bangate dibèji dyà pamutù adi, ne dyà kumpàlè, bwà cìkèènà-kumònà aci. Nwamònù anyì?

²³ Nènku ndi naabì mwab'ewu ne ndi njinga bwà nwénù kwangatakù cìmwèpelè, nènku nudikù mwà kucibala. Kàdi kujuuка... Nciwva mumanyè ne mbûngì kaayi bâvvà mwà kupweka, bânà bëètù, mu dindà emu to. Kàdi nwénù, dîbà adi, nwénù bafwànyine kupangila cìmwè, èè, ndààyi nwénù ànu ku birô. Bâdi naabì ku birô kwàka. Mbatùpetèshe ndambù wabi, pa: "Tùngunuka wêwè ànu ne kukolesha." Nwamònù anyì? Ke cyônsò cidi mu mwoyi wànyì. Cyônsò cîndi mwà kutèèleja, ncýa ne: "Tùngunuka ne kukolesha." Ànu dyàmwàmwa dyà—dyà musùlù kùdi bu—Buloba bwîmpè be. Nànku tutungunukàayi ne kukolesha too ne mutwàtwilanganà ne Buloba abu.

²⁴ Mpindyewu, ngèèla meeji ne bâdi ne dilàmbula dyà mwânà wa Mwanèètù wa balùme Stricker ne Mwanèètù wa bakàjì Stricker. Pa nànku aci...

²⁵ Bénji bûngì munyì mpindyewu, Mwanèètù wa bakàjì Stricker? [Mwanèètù wa bakàjì Stricker ùdi wàmba ne: "Bàsambòmbò."—Muf.] Bânà bakesè bàsambòmbò. Adi's ndíkù dikesè dilenga.

²⁶ Nànku awu bâdi... bâvwa bampàndànjìlè bëètù mu—mu Àfrikè, matùkù mashààle aa, nebààlukilemù. Ne bânà bâàbò bônsò mbânà bakesè balengèle. Nènku ndi mwà kumònà ne ki cidi ewu, kàbìdì, pàdìbo bënda bâlwà nendè mu dindà emu bwà mudimu wà dimulàmbula.

²⁷ Teddy ùdi penyi? Teddy, udiku mwà kubànda kuneeku ku cisanji cyà pyâno eku, ànu kasunsa kàmwè cyanàànà anyì, mwanàànyì wa balùme? Nènku—nènku twàngatààyi musambu wètù ewu, kaamusambu kakesè, nudi bamanyè's, kaamusambu

kakesè aku, ngèèla meeji, tutu twimba ne: *Bàbwejààyi*. Ncyà bushùwà anyì? “Bàbwejààyi buumukila mu madimi à mpèkaatù.”

²⁸ Nènku aci, citùdì tuwìmbila, mbwalu twêtù, ne cyônsò citùdì mwà kwenza, bu baledi, nkubàtwàla bwà dilàmbudiibwa. Tudi tubàlambula kùdì Mukalenge ne tubàbwéja pàcìdibo bânà bàà mu mabòkò apa, bwà kabàlu kulaluka mu budimi bwà mpèkaatù amu to. *Bàbwejààyi*. Twânjààyi ànu... Udi muwùmanye anyì, Teddy? Twimbààyi ànu citùminyi cyàwù cìmwè mpindyewu.

Bàbwejààyi, bàbwejààyi,
Bàbwejààyi buumukila mu madimi à
mpèkaatù;
Bàbwejààyi... .

Kwôkò kwikàle mukwàbò, mònà’s, lwâyi ànu nendè.

Lwâyi ne bânà bakesè kùdì Yesù.
Bàbwejààyi, bàbwejààyi,
Bàbwejààyi buumukila mu madimi à
mpèkaatù;
Bàbwejààyi, bàbwejààyi,
Lwâyi ne balalakanyi abu kùdì Yesù.

²⁹ Mwanèètù wa balùme Stricker ne Mwanèètù wa bakàjì Stricker, ndi mumanyè ne nudi bamanyè cidi musambu awu wùmmwija, bwà “kubàbwéja,” dijinga dìdì dìlákuka kapyà dìdì mu mwóyi wèbè, mbwà kuteeta kutwàla bajimine kùdì Yesù. Mwanèèbè mukesè wa mu dibòkò, bu yéyé mwà kufwà kumpàla kwà kulàmbudiibwayè, anyì ní ncinyì cikwàbò, mmusùngidìlbwe, twamb’eku twamb’eku, bwalu Mashi à Yesù Kilistò ngâkamusùngila ku Kàlvariyò. Kàdi bu civùlukilu cyà lwendo Lwendè lwà pa buloba, pààkatentekelà Ye bânà bakesè byanza e kwamba ne: “Kanùbàpangishi bwà kulwabò Kündì to,” ki bwà cinyì nudi balwè ne mwânanà wa mu dibòkò mu dindà emu. Ne batèèke dyeyemena mu twêtù, dyà ne netwìkale bakùmbànè bwà kusambilà disambila dyà diitabuja, bwà bânà bakesè, mu dilàmbùla dyà mwóyi wàbò kùdì Nzambì.

³⁰ Dyèndè nganyì? [Taatù ùdi wàmба ne: “Marilyn Madge Stricker.”—Muf.] Marilyn Madge, Marilyn Madge Stricker. Ùdi bukolè kaayì? [Maamù ùdi wàmба ne: “Ngondo dikumi ne yìsàtù.”] Ngondo dikumi ne yìsàtù. Mulelela mu Àfrikè, mmwòmò anyì? [“Éyowà.”] Èè, byenzekèku ne, kwôkò kwikàle mààlabà, mwânanà ewu wìkalakù mpàndànjìlà dyàmwmwà dyàdyà, mu madimi mùvwàye mulediibwe mwàmwa. Kàbìdì mwânanà mukesè mu—mulenga. Udikù mwà kulwa anyì, Mwanèètù Neville?

³¹ Ne, Marilyn. Kaa, ekèlekè! Ntu misangu yônsò munange bânà bakesè aba. Ewu ki mwânanà mukesè mulenga anyì? Wetwàwu? Wetwàwu? Twînyikààyi mitù yètù. Ndi muswè bwà wêwè, kumutentekela byanza byèbè.

³² Taatù Wètù wa mu Dyulu, nyéwù tuKutwàdila mwânà ewu Marilyn Madge Stricker, mwânà ewu mulengalèngèlè uvwa mulelela mu madimi à bwambi, dîbà dìvvà mvità yìfwima. Ndi ndòmba bwà Wêwè kubenesha mwânà ewu. Mu Bible, bààkaKutwàdila bânà bakesè bàà mùshindù ewu. Wêwè kubâtentekela byanza Byèbè ne kubàbènèsha, wamba ne: “Kanùpangishi bânà bakesè bwà kulwabo Kûndì nànsha, ne kanùbâkandiki to; bwalu Bukalenge bwà mu Dyulu mbwà bàdi bu bôbò aba.”

³³ Maamù ne taatù mbamutèèke mu mabòkò ètù, leelù ewu. Twêtù, ku diitabuuja, nyéwù tubànda bisàsà, dyàmwàmwa, tumutèèka mu mabòkò Èbè, ku diitabuuja. Bénesháku mwoyi wèndè. Ümupe mwoyi mule, Mukalenge. Swâkù bwà yéyè ikale mwânà wa Nzambì. Swâkù bwà àKusadile ne mwoyi wèndè wônsò, kajilu ne kajilu kwônsò kàà bumùntù bwèndè, ikale musadidi wà Kilistò. Enzaku nànnku, Taatù. Bènèshaku tatwèndè ne mamwèndè, baakùnyì bëndè bàà balùme ne bàà bakàjì. Swâkù bàkolè, kàbìdì, ne bìikalè díkù dyà butùmbi ku mudimu wà Nzambì.

³⁴ Taatù, tudi tuKupèèsha mwânà ewu Marilyn Madge, mu Dînà dyà Yesù Kilistò, bwà mwoyi wà mudimu. Mubènèsheku, ne tatwèndè, ne mamwèndè, ne bananga bëndè. Nénku swâkù bwà kwikalabò ne mwoyi ntàntà mule, ne nsòmbelu wa disàンka mu mudimu Webè. Mu Dînà dyà Yesù. Amen.

³⁵ Nzambì àkubènèshè, Mwanèètù wa balùme Stricker. Nzambì àkubènèshè. Mabènesha ikale pa inâbànzà mukesè mulenga.

Twasàkidila, Teddy, nsongààlùmè wa yàayà.

³⁶ Ntu munange bânà bakesè. Kàdi nwènù?

³⁷ Mbanganyì bâtu kacya kabàyì banji kumvwa cikèènà-kumònà cyàkampà Mukalenge aci? Tùmonèbi byanza byènù byela muulu túng, bàdì kacya. Mwanèètù Neville, udi ne mukànda wèbè mukesè mwaba awu, pàmwäpa, pàmwäpa udi mwà kubàbadilaku ànu mwab’ewu, bwà kasunsa kàmwè anyì tûbìdì. Ndi ncìltabuuja... Ànu apa mene, bu wéwè mwà kuswà.

³⁸ [Mwanèètù Neville ùdi ùbadila mu cibèjibeji cyà *Dîyì dyà Bantu bàà Èvànjeelìyò mu Kaabujimà* cyà mu ngondo wa Iwishi, cidimu cyà 1961—Muf.]

[Dìndà adi mvwa mulààle pa bulààlù bwànyì. Ncìvwwa mbiìkilaku ku tulù, ki mêmè kutèèka byanza byànyì mu dikoshi ki memè kudyòlolà ne mutù wànyì mutèèka pa musààmù. Pashìlshe ki memè kubanga kwela meeji bwà ne Dyàmwàmwa nedììkale difwànàngane ne cinyì. Mêmè e kumvwa ne nkààdi mupìcishe citùpa cinène cyà mwoyi wànyì bu mêmè mwà kushààla ne mwoyi ne kukùlakaja bu beena kwêtù, nénku mvwa muswè kwenza byàbûngì bwà Mukalenge kumpàla kwà mêmè kushiyangana ne mwoyi ewu.]

[Mêmè kuumvwa Dîyì dyàmba ne: “Wêwè ucidi ànu ubangilakù! TÙngunuka ne mvitâ! TÙngunuka ne kukolesha!” Pâmvwà mulààle mwaba awu ngèèla meeji pa mèyì awu, mêmè kudyàmbidila ne mvwa ànu mudifwànyìkijile ne mvwa mûmvwè Dîyì dyàkula. Ki Dîyì kwambadì cyàkàbìdì ne: “TÙngunuka ne mvitâ! TÙngunuka ne kuya kumpàla! TÙngunuka ne kuya kumpàla!” Nciyi ànu ngììtabuuja to, mêmè kudyàmbidila ne pàmwäpa mvwa mudyakwile nkààyanyì. Mêmè kudisùma ménù ku mishiku ne kushààla mudikwâtè ku mishiku nè cyanza ne kutèèleja. Dîyì kwakuladì cyàkàbìdì ne: “Tungunuka wêwè ànu ne kuya! Bu wêwè nànsha mumanyè ne cìdì ku ndekeelu wa njila ncinyi!” Mêmè kwenza bu mvwa ntèèleja müjiki ne myåku ya musambu wà kalè, wà ciibidilu:]

[Ndi ne cisà ne ngàamba kufwà, ne ndi muswè kumònà Yesù,]

[Ndi muswè kutèèleja ngonga yà ku cisabù ayi yìdila,]

[Mmifwànyìne kukenkesha kajila kàànyì ne kuumusha bwôwà bwônsò;]

[Mukalenge, ndekèlèku ntàngilè dyàmwàmwà dyà cilùlù cikùdika cyà cikondo.]

[Dîbà adi Dîyì dyàkakonka ne: “Udikù muswè kumònà ànu dyàmwàmwà dyà cilùlù cikùdika anyì?” Mêmè kwandamuna ne: “Ncifwànyìne kunkwàcisha bikolè be!”]

[Cyàkenzeka ncyénà mwà kucyàmba to. Ní mvwa mu mubidi anyì pambèlù pàà mubidi, anyì ní cìvvwa ditentemunyibwa, Ncyénà mumanyè to, kàdi kacìvvwa cyenzekù bu cikéènà-kumònà cinkaadìku mumònè to. Mvwa mwà kumònà mwaba ùmvwa mwangàciùbwé ne mvwa mwà kudimònà mêmè mwine mulààlè cyàdimùlù pa bulààlù bwànyì apu. Mêmè ne: “Eci ncintu cyà pabwàcì!”]

[Kùvvwa bantu bîngyabìngyàlè ne bààkalwa lubilu bwà kungeela mwoyi, bëela lubilà ne: “Kaa, mwanèètù wa mushinga mukolè!” Dyàmbedi kulwakù bakàjì batekète, bìmwèka bu ne bàcìvvwa ku ntwadjilu kwa bidimu byà makumi àbìdì ne byà munjila, ne pàvvwàbo bànguupukila bàvwa bàmba ne: “Mwanèètù wa mushinga mukolè!” Bansongààlùmè, mu bulenga bwà bunsongà bwàbò, ne mésù èla nsèsè bu mìtootì munda mwà butùkù bwà mîdimà, ne ménù matòòke tòò bu masàngà, bànguupukila, bàmba ne: “Mwanèètù wa mushinga mukolè.”]

[Ki mêmè kumònà ne mêmè, pàànyì, mvwa mulwe nsongà cyàkàbidi. Mêmè e kuditangila mêmè mwinè e kukùdimuka e kwela mésù paanyimà pàvvwà mubidi wànyì mukùlakàje

awu mulààle pa bulààlù ne byanza byànyì mu dikoshi dyànyì. Mêmè kwamba ne: “Ncyêna ngumvwa eci to!”]

[Ndi mwenze ànu mbanga kuteeta kumvwa mwaba ûmvwà nsanganyiibwa, mêmè kubanga kumvwa ne kakùvwa byà makèèlèlè ne mààlabà kuntwaku to. Kàkùvwa kùmwèka muntu nànsha mucyôke to. Ne musùmbà wà bânà bàà bakàjì bàà bitende balengèle bâmvwà mumòne e kungeelabò citupà ku nshìngù, Mêmè e kujandula ne kùvwa ànu dinanga dinène dìvvà dimbwikìdije ne kakùvwa masansakata à mubidi bu mùtùbi mu kudìtwàlà kwà buntu emu to. Mêmè e kujandula ne nsongààkàjì yônsò eyi yìvwa ne nsukì yààyì mitwè too ne mu cimònù ne jipè yàyì mipwekè too ne ku makàsà àyì aku.]

[Paanyimà pàà cyôcì eci, Hope, mukjàànyì wa kumpàla, kunguupukilayè, wàmба ne: “Mwanèètù wa mushinga mukolè!” Ki pashìishe nsongààkàjì mukwàbò mutekète kunguupukilayè ne Hope e kukùdimuka e kuupukilayè nsongààkàjì awu. Ki mêmè ne: “Ncyêna ngùmvwa eci to. Eci ncintu cishìllàngane mu kaabujimà ne dinanga dyètù dyà buntu. Ncyêna muswè kwalukila ku mubidi mukùlákàje ùdì pa bulààlù wàwa to.”]

[Dìbà adi Dîyì kwakuladì naanyì: “Eci ki cyûdì muyiishe ne ke cìdi Nyumà Mwîmpè! Eci ki dinanga dipwàngànè. Kakwèna cìdi mwà kubwela Emu kaciyì naadì to!”]

[Pashìishe mêmè e kwambwibwa e kuntèèkabo pa mwaba mutùmbùke. Ku nyìngulwilu kwànyì kwônsò kùvwa balùme ne bakajì bààbûngì baciikàle mu bubenji bwa bunsongà. Bâvwa bëèla mbilà, ne disànska: “Kaa, mwanèètù wa mushinga mukolè, tudi ne disànkà dyàbûngì dyà kukumònà kaaba aka!” Mêmè kudyambidila ne: “Ncyêna ndoota to, bwalu ndi mwà kumònà bantu aba ne ndi mwà kumònà mubidi wànyì mulààle paanyimà pààpa pa bulààlù.”]

[Dîyì kungambila ne: “S’udi mumanyè ne mbafùnde mu Bible ne baprófetà bâvwa bàkùngwijiibwa pàmwè ne cisàmbà cyàbò.” Mêmè kwamba ne: “Eyowà ngaacìvùluku mu Mifùndu, kàdi kakùtu ba-Branham bûngì nùnku to.” Dîyì kwambululadì ne: “Aba kî mba-Branham to. Aba mbèèbè baùdi mukudimwishe micima, aba baùdi mulombole kùdì Mukalenge. Bâmwè bàà ku bakajì baùdi wela meeji ne mbansongà menemene ne balenga kumònà aba bâvwa ne bidimu bisambùke pa makumi citèèmà pawàkabàlombolà kùdì Mukalenge. Kabyèna bikèmesha to pàdibo bëèla mbilà ne: ‘Mwanèètù wa mushinga mukolè!’” Pashìishe mintùta ne mintùta kwelayì lubila ne: “Bu kùyì

mupàtuke tuyè ne Èvànjeelìyò to, katùvwa bafwànyìne kwikala apa to!"]

[Mêmè e kukonka ne: "Kaa, Yesù ùdi penyì? Ndi muswè kuMumònà!" Bantu kwandamunabo ne: "Ùdi lwà muulu ndambù. Dìngà ditùkù Yéyè neàlwè kûdì. Wéwè uvwa mutùmìibwe bu mulombodi, ne pààlwà Nzambì, Yéyè neàkulumbulwìshe bilondèshile dilongesha dyèbè." Mêmè kukonka ne: "Pôlò ne Peetèlò bâdi ne cyà kwimana pààbò ku cilumbulwìdi eci anyì?" Dyandamuna dìvwa ne: "Èyowà!" Memè kwamba ne: "Ndi muyiishe cyàkayiishàbo. Ncyàkashììlangana naaCi ku elu luseke anyì ku lukwàbò to. Mwaba wàkabàtiizàbo mu Dînà dyà Yesù, ngààkabàtiiza pàànyì; mwaba wàkalongeshabu Dibàtiiza mu Nyumà Mwímpè, ngààkalongesha pàànyì. Cyàkalongeshàbo cyônsò, ngààkaciilongesha, pàànyì."]

[“Tudi bamanyè nànnku,” mwàkèèlà bantu abu lubìlà, “ne tudi bamanyè ne netwàlukilè pa buloba pàmwè neebè musangu kampànda. Yesù neàlwè ne neàkulumbùlwìshe bilondèshile Dîyì diwàkatuyìisha. Pashìishe neùtuleeje kùdìYe, ne bônsò pàmwè netwàlukile pa buloba bwà kushààlapu ne mwoyi kashidi.” Mêmè kukonka ne: “Bìdi bikèngela bwà mêmè kwalukila pa buloba, mpindyewu anyì?” Bâàkandamuna ne: “Èyowà, kàdi tùngunukà ne kukolesha!”]

[Pangàbangi kuumuka mwaba mulengele, wà disànkà awu, ntàntà uvwa mèsù àànyì mwà kumònà, bantu bàvwa bâlwà kûndì bwà kungupukila, bèèla mbilà ne: “Mwanèètù wa mushinga mukolè!”]

[Dyàkàmwè nkàvvwa mwalùkile cyàkàbìdì pa bulààlù. Mêmè kwamba ne: “Kaa, Nzambì, nkwàcìsheku! Kündekèdiku ndya cibàngà ne Dîyì nànnsha. Swâkù nshààle mujaalàme pa Dîyì. Ncyénà ncyùka cìdì muntu kanà yônsò ewu wenza to, Mukalenge, swâkù nkoleshe bwà kuya ku mwaba mulengele, wà disànkà awu!”]

[Ndi mutàmbe kutwìshiibwa kupìta kwônsò eku mu lwendu lwànyì bwà se nebikèngelè dinanga dipwàngàne bwà kubwela mu mwaba awu. Kamùvwa mukàwu to, nànnsha dicyòka, nànnsha disaamà, nànnsha bununu, nànnsha lufù. Ànu bulengèle butùmbükè ne disànkà!]

[Cyônsò cyûdì wenza aci, tèèka ku luseke bikwàbò byônsò too ne paùdì upeta dinanga dipwàngàne! Fika mu cipilu cyûdì mwà kunanga muntu yônsò, nànnsha mwena lukuna yônsò. Nànnsha bàmba ne ndeke ùdi wutènkakana, mikenyi yà mvùla yèla, anyì bingoma byà mwena lukuna bikutangija, bintu ebi kabyèna ne bwalu nànnsha: petà wêwè ànu dinanga dipwàngàne!]

[Wêwè kùyì musÙngidiibwe to, itàba Yesù Kilistò bu MusÙngidi wèbè mpindyewu! Wêwè kùyì mubâtijìibwe mu mâyì to, bâtiijibwa mpindyewu! Pawìkalà kùyì mupetè Dibâtiiza mu Nyumà Mwîmpè to, ùdipetè mpindyewu! Lwijàkàjà mutàngile ku dinanga dipwàngànè adi dyàkufikisha ku mwaba mulengele ne wà disànkà awu dyàmwàmwà dyà cilàmbà cikùdiaka cyà eikondo!]

³⁹ Twasàkidila, Mwanèètù, bwà cyôci aci. Aci's... Mêmè kudyàmbidila, pàmwäpa, bàmwè bâà kunùdì mbafwànyìne kufika ku dicibala. Nénku pawìkalà kùyì ne mukàndà mukesè awu to, mònà's, udi mwà kuwùpetà.

⁴⁰ Pashìishe lwà ku, ànu lwà kundekeelu wa dibèji aku, mmubwejèku bwàlu bwà mudimu wà bwambi. Ncyénà mumanyè ne nuvva bamònè anyì to, ànu lwà kwinshì aku, paanyimà pa wêwè mumana kucìbala. Ànu lwà kwinshì aku, kantu kakesè kafunyika lwà kwinshì aku. [Katùpà kà mukàbà wà mêtì munda mutupù—Muf.]

⁴¹ Mpindyewu, aci ciyaaya pabwípì menemene ne mu mwakulu wônsò mwinshì mwà maulu, nudi numònà's, bwà—bwà kubadiibwacì pa buloba bujimà.

⁴² Mpindyewu: "Ncinyì—ncinyì..." èè, mûdì wamba, "cyûdì mufwànyìne kwambila nànkú ncinyi, Mwanèètù Branham, kumpàlà kwà wêwè kusambidila babèèdì?"

⁴³ Mbwà eci nùnku: bwà twamònà mwà kumanya ne kuditàcisha kwètù kakwèna pàtupù nànsha. Nwamònù anyì? Tudi ne cyà kuseemena pabwípì ne Nzambi ku kajila aku kàà dinanga ne diitabuuja. Diitabuuja didi dítufikisha ku kajila aku. Dinanga ki didi dítubwejamù. (Mfwìlaayikù luse.) [Katùpà kàà mukàbà wà mêtì munda mutupù—Muf.]

⁴⁴ Mpindyewu, nudi nwela meeji ne Nzambi mmufwànyine... Mpindyewu twanjààyibì... Mpindyewu, diitabuuja dyèbè didi difika pa kaaba kampànda mpindyewu, nudi nwela meeji ne...? Ncinyì cinùdì bafwànyìne kwela meeji mpindyewu piìkalàbi ne kuditàcisha kwônsò kùdì... tabernacle ewu ne musùmbà wà bantu ewu badyenzèje, bwà Bukalenge bwà Nzambi? Kùdi bààbûngì mwaba ewu bâdì bakèèpèshile bânà bëènù didyà, bwà Bukalenge bwà Nzambi. Kùdi bààbûngì mwab'ewu bâdì bapangile bilàmbà byà kuvwàla, bwà Bukalenge bwà Nzambi. Kùdi bààbûngì bâdì bendèshile mâshinyì mu bipeepèle bikolè, ne bende kabâyi ne bisàbaatà ku makàsà kwâbò to, bwà kufika ku tabernacle eku, ncyà bushùwà, bwà Bukalenge bwà Nzambi.

⁴⁵ Nudikù mwà kufwànyikija muzòdi ùzòla cimfwànyì cinène, cilenga, too ne mùdici citàmba kutùmbuka, kàdi pashìishe e kucisùnsula anyì? Nkufwànyìne kwikala cintu kampànda cipampalàmùke kùdì muzòdi ewu. Nudikù mwà kudifwànyikijila bwà musàki wetù wa misambu ewu ûfunda musambu ûfika too ne ku ditùmbuka, kàdi pashìishe kumpanda

dibèjì dyèndè—dyèndè dyà musambu awu anyì? Nkufwànyìne kwikalà cintu cipampàlámùke kùdì musàki wa misambu awu. Nwamònù anyì? Kakwèna cintu cipampàlámùke kùdì Nzambì nànsha. Nzambì kàtu wènza cintu cyà mùshindù ewu nànsha, ànu bwà kucìsùnsulula ne kuciìmansha nànsha. Mbwà Bukalenge Bwèndè. Mbwà Butùmbì Bwèndè.

⁴⁶ Yônsò wa kutùdì ùdi wènza cyèndè citùpà cyà mudimu mu cimfwànyì eci ne mu musambu ewu. Tudi bitùpà byà Bukalenge bwà Nzambì. Nènku cyôcì aci, mbwà twàmònà mwà kwenza cyètù citùpà, bu mutùdì bamanyè mwaba ùtùdi biimànyìne, biikàle mu mwaba ewu, ne pashìishe kushààla ànu mu mwaba awu. Ne mwaba wùmwèpelè wutùdì bamanyè, wùdi mu dinanga, bwalu ki cidi cyènza cimfwànyì neyôcì aci.

⁴⁷ Mpindyewu, mbikolè paùdì umònà bìkèènà-kumònà byà mùshindù ewu ebi, ne bikwàbò, bwà kumvvwa cìdì—cìdì Luseke lukwàbò alu. Mvw'a kujinga kumanya. Muntu mmufinyike kantu kakesè aka kuntu kwàka, bwà kwamba ne baprófetà bàà kale, mùshindù ùvwàbo bàmònà bìkèènà-kumònà ebi, ne bikwàbò, ne mùshindù ùdibi ne, leelù ewu, mbipicile too ne cìdì... Katwèna mwà kucyùmvwa to, kàdi Mukalenge mmutùlekele babwelemù ne kumònà cídici.

⁴⁸ Mpindyewu, nwêñù balundà bàànyì, ncìvwa maya mu tulù to. Nènku mêmè, ànu pankaci pèènù ne mêmè, ne èkèleeyìà udi apa ewu, ncìvwa mu cìkèènà-kumònà to. Ndi mumanyè cìkèènà-kumònà ne ncinyi. Bìmwè mwaba ewu, ànu lumingu lushààlè elu, bìmwè, misangu bûngì butwè bu ku makumi àsàtù, dilòòlò dìmwè, bùdìbi bifwànyìne kwenzeka. Udi mwà kudìfwànyikijila bujitu bûdì mwambùle. Bìdi bìkutàndabaja mijilu yà mutù, neyà bushùwà.

⁴⁹ Ambà tûng bu wêwè mwà kwikalà tuyè mu disangisha dyà mùshindù awu, cidi ànu bujitu bûdì mwambùle, bu disangisha mwà kwikalà dyenzèke bîmpè ànyì to, bùvwa pambidi pèèbè, s'—s'mbuju wêwè mwambùle's? Udi ne cyà kwandamuna mwambi yônsò, lukonko lwônsò, cintu cyônsò. Disangisha dyendè bîmpè anyì bibì, bàdi bakwela bujitu abu pambidi, wêwè nkààyebè. Tàngilààyi cídici cifwànyìne kukwenzela.

⁵⁰ Ne kùdi bàmwè bàà ku bakwaci naanyì bàà mudimu pàmwè, bàdì ànu bàpaana mikàndà cyanàànà, ne bikwàbò, bàdì babinduluka, bìkèngela bwà kuyabo kumbèlu, nwamònù's, kukalààla, kabayì bafwànyine kulwa mu masangisha dilòòlò adi nànsha. Ekèlekèle! Kaa, cidi cikèmesha. Bu müdì mukàjì wa mwanaàanyì, nsongààkàjì mukesè mulengele mwena Kilistò, Loyce. Ànu—ànu ku diya mu masangisha, ànu nànnku... Bwà mbingu mwandamukùlù, anyì mbingu mwandamutekète, misangu yônsò mùshindù awu, kukèngelabi bwà ashààle mulààle mu bulààlù munda mwà ditùkù dimwè anyì àbìdi, nwamònù's, kàyì ne bujitu bwambula nànsha bùmwè. Nwamònù

anyì? Billy, ànu bwà kufila ndambù wa twarta twà disambila, kàdi e kumbà kucyôka cyokòò.

⁵¹ Kàdi, nwamònù's, bujitu bwônsò nkòòng bùdi pambidi pàànyì. Bìdi bìkèngela bwà mêmè kunwèyemena bwà nwénù kunsambidila. Nwamònù anyì? Pa kuumusha aci, bádi bàmba ne-ne tusunsa makùmi àbìdì twà-twà diyisha, mu disonsodiibwa, ntufwànyikijìlbwe ne mèbà mwandamukùlù à mudimu mukolè, bwà mubidi wèbè. Ndi nyiisha mèbà àbìdì too ne ku àsàtù dilòòlò dìmwè; pàmwäpa misangu yìsàtù ku ditùkù. Nwamònù anyì?

⁵² Kàdi ambà tüng bwà cìkèènà-kumònà cìmwèpelè? Cìkèènà-kumònà cìmwèpelè cyàkacyòkesha Mukalenge wètù Yesù. Ncyà bushùwà. Bible mwâmbe ne mukàjì kampànda wàkalenga ku cilàmbà Cyèndè, e kuMucyòkeshabì. Èè, piìkala cìkèènà-kumònà cìmwèpelè ncyàcì cìMucyòkesha nàñku, Yéyè, Mwâna wa Nzambi; netwambè bishi bwànyì mêmè, ngènzàmpèkààtù musùngila ku ngásà, ncinyi cìdi bìkèènà-kumònà makumi àsàtù byà dilòòlò dìmwè mwà kwenza? Nwamònù anyì? Cìdi... Bu twétù ànu mwà kwimana kàdi kwela meeji, ncipite muntu kanà yônsò ewu. Mubidi wà muntu kawèna mwà kutwàla aci nànsha. Mvwa mufwànyìne kwikala mu nzùbu wa babùlùke mwaba kampànda, mumònangane ne dituuta mutù ku bimanu. Nwamònù anyì? Aci's—aci's mmateketa anùdì kanùyì mwà... Mmateketa à mundamunda, nwamònù's, adi àmba kukushipa.

⁵³ Mpindyewu, kàdi ncinyì cinùdì bafwànyìne kukolesha díbà adi? Ndi mufwànyìne kwamba nùnku. Ndi mmònà Mwnèètù wa balùme ne Mwanèètù wa bakàjì Cox, kuntu kwàka, Rodney ne mukàjèndè, ne mwanèètù wa bakàjì, ewu, lwà mu ndekeelu mwàmwa, báçikùdimwinaku mucìma. Kùdi Buloba, ànu dyàmwàmwa dyàdyà mwaba kampànda, bwà ne wêwè ànu mwà kwela meeji mu mutù wêbè amu ne kuBùmònà, Ncintu cyà citàmbe butùmbi menemene. Ncikumbànyìne didítàcisha dyônsò ditùdì mwà kwenza adi. Nwamònù anyì?

⁵⁴ Mpindyewu, kumpàlà kwà kusambidila babèèdì, ndi mufwànyìne kwamba nùnku:

⁵⁵ Ambàyibì tüng bu mwânà mutekète, kumpàlà kwà kulediibwayè, tûcyangàtaayibi, mwânà mukesè uvwa musòmbèle mu difù dyà mamwëndè, bwà ngondo eyi citèèmà, kàdi mwânà mukesè mufwànyine kwela meeji awu anyì? Mufwànyìne kwamba ne: "Udi mumanyè mùdì bwalu anyì? Bàdi bàngambilà ne ndi pabwîpì ne kulediibwa. Èè, cìngènzà ncinyì pambèlù pààpa? Ncyéna mumanyè mungà mwaba to pakuumusha ûndì musòmbèle ewu. Ndi nsunyina bukolè bwànyì lwà munda emu. Kàdi mmunyì mungààpetà cyàkudya pambèlù pààpa? Bàdi bàngambilà ne kùdi díbà dìdì diteemapù. Mbangambilà ne bantu bàdipù badi bëndakana. Kàdi ncyéna mumanyè cìngà cintu to pakuumusha ànu mwaba ewu. Eci ke

cyônsò cîndì mumanyè, ànu mwaba ewu mu di—mu difù dyà mamwânyì. Mwab'ewu ki ùvvâbò bantwâlemù. Mwab'ewu ki wônsò ûndì mumanyè, ùdi ànu munda mwà difù emu. Kàdi bâdi bàngambila ne kûdì mwaba wàbûngì!"

⁵⁶ Èè, mwânà mukesè awu's ùvwa mwà kukwàcika bwôwà bwà lufù, bwà kulediibwa. Ncyà bushùwà anyì? Mmufwânyine kwikala ne bwôwà bwà lufù, bwalu ùdi ùlwa mu mwaba ùdiye kàyì mumanyè mùdìwu to, ùdi mutùmbùke, mutùmbùke misangu miliyô ne miliyô, kupita mwaba ùvvâye musòmbèle. Kàvwa mwà kumanya ne bïvwa bishi nànsha, mmufwânyine kwamba ne: "Mmunyi, cingàyà kenza ncinyi?" Mmufwânyine kukwacika bwôwà bwà lufù, bwà kulediibwayè, kàdi twêtù bâdi basòmbèle pambèlù aba, èè, twêtù bàvwà muntwamu musangu kampànda, katwénà mwà kwalukilamù to nànsha byà kumònà lufù, katwena baswe kwalukila cyákâbidi mu difù dyà maamù to. Nwamònou anyì? To, katwèna baswè kwenza aci to.

⁵⁷ Nènku mùshindù awu ngùdìbi patùdì tupùnga ne lufù, mulunda wanyì. Éyi Nzambì! Nwamònou anyì? Udi munkaci mwà kulediibwa Mwaba kampànda. Kacya kütù mwanji kwikala Mù to. Kwénà mwà kuCyùmvwa to, mùshindù ùdÌCi cinène. "Mmunyi—mmunyi mmwikalàbi Pambèlù pààpa? Ndi..." Ne cintu cimwèpelè cidi cîmfikisha ku dimanya, anyì nwénù ku dimanya, nkatóba kakesè kàà Mwoyi aku, ànu mùdì nyumà ùbwela munda mwà mwânà mu difù dyà mamwëndè. Nwamònou anyì? Ki mùshindù wùmwèpelè wutudìku mwà kuumvwa cidi Buloba bunène abu kuntu kwàka, pàdìku kakùyì disaamà, kakùyì dibungama, kakùyì lufù, kakùyì bununu, kakùyì cintu nànsha cîmwè. Kaa, ekèlekèle!

⁵⁸ Mònà's, paùdì ànu ufika Kuntu kwaka, kwàkujinga bwà kwalukila mu mwaba wà bwena ewu ewu to, ànu mùdì mwana mutòòke kàyi mwà kuswa kwalukila mu difù dyà mamwëndè nànsha. Nwamònou anyì? Dyàmwàmwa nditâmba bunène be, nwamònou's, Kuntu kwaka. Katwèna mwà kuCyùmvwa to, nànsha kakesè bushùwà, katwèna mwà kucyùmvwa to. Mònà's, mùshindù mwinè ùdi mwânà mukesè wa mu dibòkò ùsanganyiibwa dyàmwàmwa dyà ngeelèlù wa meeji kanà yônsò, ke mutùdì dyàmwàmwa dyà ngumvwìlù kanà yônsò wa cìkalà Kuntu kwaka, nwamònou's, bwalu tudi mu difù dyà buloba, badilongòlôle bwà kulediibwa cikondo kampànda, mu Bukalenge bupyabùpyà, mu Buloba bupyabùpyà.

⁵⁹ Nènku mùshindù awu ke wûndì ngùmvwa bwà bìkèènà-kumònà abi ne bikwâbò byà mùshindù awu, anyì ní ncinyi cyônsò cyákangenzekela ditùkù adi pangààkasabukà dyàmwàmwa, ànu pambèlù pààpa, ne mumònè cìvwà Cintu aci, ne pashìshe kwalukila pànwâpa.

⁶⁰ Udkì mwà kudifwânyikijila mwikàle mwânà wa mu dibòko ne—ne mwikàle ne—ne dimanya dyà cidi, mùdì kwendakana

eku kwikàle kwà butùmbi, kumòna mùdì micì yìsampila, nyuunyi munkaci mwà kwimba misambu, díba dyèla nsèsé, ne nsòmbelu wa bwena ewu, ne pashiìshe kukèngela bwà kushààla mudibùmbe mu difù anyì? Mònà's, kwèna mwà kuswa bwà kwalukila to, nànsha kakesè.

⁶¹ Èè, díbà adi, twêtù, wetù—wetù ngeelèlù wa meeji mmufwànyìne kwikala mukwàte kakùlakàjì, pa kumufwànyikija, anyì kuteeta kwela meeji bwà cìdì Dyàmwàmwa dyàdyá. Pàdìbi ne, Mifündu yìdi yàmba ne: “Dísù kadìyì dimòne, dicì kadìyì dyûmvwè, anyì cìdì kacya kaciyì cibwele mu mwoyi wà mutu cìdì Nzambi naaci bwàbò, mu cibùcili, bwà bâdì bamunange.” Nwamònú anyì? Pa nànkú tudi bamanyé ne mbyà butùmbi Dyàmwàmwa dyàdyá. Dìngà ditùkù, lufù, citùdi tubìkila ne lufù aci, necitùpèeshè Dilediibwa dipiyadipiyà, ne netùbwelè mu Buloba bukwàbò, Dyàmwàmwa dyàdyá.

⁶² Mwanèètù George, kwàkwikala mukùlakajì, mucìbùkìle pansi, Dyàmwàmwa dyàdyá to. Nènku Mwanèètù wa balùme ne Mwanèètù wa bakàjì Spencer, ne bàmwè bu baatwêtu bàkaadi banunu aba, ne bikwàbò, nènku netwìkalè bansongà kuntwaku aku bwà kashidi.

Mukùlakaje ewu... mùzàbì wà misunya ewu
nêngùmacishè, e kubiìka
Ne kubàkula difutu dyà kashidi,
Ne kwela mbilà, patwikalà twenda tupìcila mu
mpeepèlè apu ne:
“Nwàshàlaayi bîmpè, nwàshàlaayi bîmpè,
dibà dyà kalolo dyà disambila!”

⁶³ Kwàjikì, díbà adi. Kakwàkwikala kàbìdì malòòlò maleemàlè à disambila to, kaàkwikalakù kàbìdì to. Kubwela ànu mu cikondo cyà bunsongà aci, cyà disànska bwà kwikala Kuntu aku, kabiyì ànu bwà cidimu cimwè, anyì bidimu makumi àtaanù, anyì mùlìyô mujimà wà bidimu to, kàdi netwìkàle Kuntu aku bidimu miliyâlì, katwàkwikala nànsha bânji kutwàdija to nànsha kakesè. Mmwômò. Pa nànkú bwà cinyì kabìvwa bikèngela bwà twêtù kwikala ne disànska mu dìndà emu? Bwà cinyì kabìvwa bikèngela twêtù kucyònkomoka? Bwà cinyì katùvwakù mwà kukòngolojanganakù ne cintu cinène cyônsò cìdì Nzambi mutùpèeshé?

⁶⁴ Ki dyondopa dyà Nzambi ndyôdì edi. Mbwà cinyi bwàkatuuclabo Yesù; mbwà kupandakaja cimfwànyì, kwamba ne: “Kakwèna cintu cyà nsongo nànsha cimwè mu cyôci eci”? Wákajuula mubidi Wèndè mibùndàbùndà, mbadi kumwènèkayì patòòke, ne: “Ku mibùndàbùndà Yèndè twakàmana kwondopiibwa.” Katùpandakajikù cindidimbì to, mu dìndà emu. TùCyupükìlaayi, tùCiitàbaayi.

⁶⁵ Mpindyewu, mwanèètù, ne yônsò wa kunùdì mpindyewu wíkalabò mwà kusambidila awu, bu wêwè ànu mwà kwimana ku cyoshelu eku. Pàvwà diyiisha dipàtuka, kùkaadi katancì, kupìcila ku dyandamuna ne myakulu, bwà twamònakù mwà kutentekela babèèdì byanza bwà kumònà byenzedi byà bukolè byà Nzambì.

⁶⁶ Mpindyewu, mwanèètù, kabyèna bìkèngela bwà wêwè kwimana kuulu to, mwanèètù, wêwè udi mulààdika pa kalààlù kàà dibùnya wàwa. Netùlwé kúdì aku.

⁶⁷ Kàdi kwôkò kwikàle bakwàbò kanà bônsò bàà kusambidila mwab'ewu, bàdì baswè kwimana banyùngùlùkile cyoshelu, pìikalà mwanèètù ne mêmè tusambilà ne tutentekela babèèdì byanza apu, lwâyi ànu mpindyewu mene. Nènku vùlukààyi ne, upùkilaayi cimfwànyi aci ne: "Ku mibündàbündà Yèndè twâkamana kwondopiibwa."

⁶⁸ "Ncyénà ncyùmvwa to, Mukalenge." Ncyà bushùwà, kwèna ucyùmvwa to. Ucìdì ànu mu difù dyà buloba.

⁶⁹ Kàdi wàkalongolola bintu abi. Ne Kàvwa mufwànyìne kwangata...Bwà cinyì Wàkatuciibwa mibündàbündà kujuuka? Ng'ànu bwà kusùnsulula cimfwànyì, anyì kusùnsulula musambu, kuwìmansha anyì? To, mukalenge. Wàkatuciibwa mibündàbündà kujuuka, kutàpiibwa, ne mashi kuzòlolokawù, bwà twàmònà mwà kwondopiibwa. Ne ku cyôcì aci, twêtu: "Mibündàbündà Yèndè, nkutùdì bondopiibwe," yônsò wa kutùdì. Mpindyewu, bu munùdì nulwa, kukÙngwila ku cyoshelu bwà disambila.

⁷⁰ Mpindyewu, byàbÙngì bìdì mwab'ewu byà kapelu byà ditangalaja dyà luumù lwîmpè dyà cyena Àmérikè dyà masaluka edi, didìbo bàmba ne: "Udi ne cyà kwenza cikampànda, kwenza cikansanga."

⁷¹ Kùdi cintu cìmwèpelè cîndì muswè kwikala ne meeji matòòke kunùdì, mulundà wanyì. Cintu aci, mùshindù ùdì Nzambì ondopa, mmushindàmèène pa mushìngà wà diMwenzela dyà mudimu. Nwamònù anyì? Mpa nshindameenu wa diMwenzela dyà mudimu. Tudi ne cyà kwitaba dyondopa dyètù pa cishìmikidi, cyà ne, netùMukwàcìlè mudimu paanyimà pàà twêtu bamanè kwondopiibwa. Mpindyewu, Bible mmwambe ne: "Tondèlàngànaayi bilèmà byènù, mutu ne mukwèndè. Sambìdilàngànaayi mutu ne mukwèndè, bwà nwâmònà mwà kwondopiibwa." Nwamònù anyì? Mpa nshindameenu wa ne, neùsadile Nzambì. BâàbÙngì bàà kunùdì kaaba aka, pàmwàpa, bàdì mu ngiikàdilù wa bâpÙnga ne lufù, ne nudi–nudi ne cyà kufwà bu cintu kampàndà kaciyi cyenzèke to. Dîbà adi ndi muswè bwà wêwè, mu mwoyi wèbè...

⁷² Mpindyewu, tudi bafwànyìne kukulaaba maanyì, tudi bafwànyìne kukusambidila, mpaasàtà ne mêmè, kusambilà disambila dyà diitabuuja, kwenza cyônsò citùdì mwà kwenza

aci, kàdi kàcyàdyàkukwenzela bwalu to ànu wêwè nkààyebè mubwele mu bwoùmwè ne Kilstò. Nwamònù anyì? Bikèngela ùfike ku bwoùmwè abu, bwà ne: "Mêmè, Mukalenge . . ."

⁷³ Ndi mmòna i—i—inábànzà mutekète wènda ùlwa kuntu kwàka ànu mpindyewu ewu. Mmulwe mwaba ewu, matùkù mashààle aa ku nzùbu, ne cintu kampànda bu cyûjà, anyì disaamà dyà kansérè kàà Hodgkin. Ne yéyè m'Méthodiste, ku diitabuuja. Ngèèla meeji ne ncyà bushùwà, kî mmwòmò anyì, mwanèètù wa bakàjì? Nènku ùvwa ne dipondou dinène mu lubadi lwèndè. Kàdi mpindyewu's nyéyè awu mwimàne kuulu, mwondòpìlbwe.

⁷⁴ Ndi mmòna Mwanèètù wa bakàjì Weaver mwimàne mwab'ewu, ùvwa ne kàmwè kàà ku tûnsérè twà tubì be tunkaadìku mumòne, kacya bàndela. Nènku cintu cyà kumpàla cingààkamulòmbà, mbwa yéyè kumòna mwà kubatijiibwa mu Dînà dyà Yesù Kilstò ne kutonda mpèkaatù yèndè. Pangààkamubweja mu mâyì mwaba ewu, bìvwa bikèngela bwà mêmè kwikalà mumukwàte; ùvwa munyanè be, mabòkò èndè, ànu bu tumpònji. Ne yéyè wàkabàtijibwa mu Dînà dyà Yesù Kilstò. Nènku aci ncyà kùkaadi bidimu dikumi, kî mmwòmò anyì, mwanèètù wa bakàjì? [Mwanèètù wa bakàjì Weaver ûdi wàmba ne: "To. Ciinè aci nkùkaadi bidimu dikumi ne bisambòmbò." —Muf.] Kùkaadi bidimu dikumi ne bisambòmbò. Bidimu dikumi ne bisambòmbò byà mupande ku lufù, bwalu ùvwa muswè kulwa mu ditùmikila. Ndîbà dìvvà bangàngàbukà batàmbe bwîmpè bàà muneemu emu . . .

⁷⁵ Môna's, ke mùvvà ngàngàbukà wendè sungasunga mungambile. Dîbà adi, mêmè kumwambila—kumwambila, ngàamba ne: "Mmwondòpìlbwe."

⁷⁶ Yéyè ne: "Kaa, kaa! Yéyè's neàfwé ne kànsérè, mu mbingu mikesé emu. Kütacishi meeji bwà bwalu abu to. Yéyè ûdi ùtuùla nkìndà. Ànu mbingu mikwàbò mikesè, neìkale mumane kuya." Ne yéyè ùkaavwa mumane kumupèèsha bu ditùku dìmwè nànkú awu dyà kwikalayè ne mwoyi. Kàdi's ki yéyè ewu, leelù ewu, paanyimà pàà bidimu dikumi ne bisambòmbò, mwimàne ku cyoshelu. Ncinyì cikwàbò cîndì mwà kwamba, ne bikwàbò ne bikwàbò, kàbìdì ne bikwàbò ne bikwàbò's!

⁷⁷ Mpindyewu, Nzambì kàtu wènza aci ànu bwà umwe wa ku bânà Bèndè, kàdi kubènga kucyènza bwà bânà bakwàbò to. Yéyè ûdi ùcyènza bwà bânà Bèndè bônsò. "Ewu yônsò udi muswè kulwa awu." Cidi . . . Udi mubìikidìlbwe kùdìYe. Mpindyewu ne: "Disambila dyà diitabuuja nedisùngilè mubèèdi." Bible ngudi mwambè nànkú.

⁷⁸ Mpindyewu—mpindyewu, piìkalabi ne . . . cîndì muswè bwà wêwè kwenza, nkutonda bilèma byèbè kùdì Nzambì, kwamba ne: "Mukalenge, ngondopèku." Panwìkalà kacya kanùtu banji kukùdimuna mucima to, filaayi myoyi yènù kùdì Kilstò. Ne bu

ne kacya kùtukù mwanjì kubàtijiibwa, mu mâyì, mu Dînà dyà Yesù Kilistò, kùdi ciinà cyà mâyì cilongolola. Nwamònù anyì?

⁷⁹ Nènku inăbànzà mutekète dyàmwàmwa dyà mùsèèsù edi; dîbà dìvwà mwena bupidyà awu mukùdimùshìlbwe mucìma bwà bwalu ebu. Pàvvâye mulàale. . . Bâkamupàtula mu Silvercrest kumutùma kumbèlu, ne dìsaamà dyà cyâdì, ùpùnga ne lufù. Kàdi pangààkayàku, ne Mukalenge ku filayè cikèènà-kumònà, wàmba ne: "Yéyè neòndopiibwè."

⁸⁰ Ke kutwilànganayè naanyì kuntwaku, dìndà dyàkalonda, Mukalenge Andrews; kàdi kùntàndishayè ànu bikolè. Wàmba ne: "Ditèkemena dyà mashimi mùshindù awu, pa mukàjì awu!"

⁸¹ Mêmè kwamba ne: "Mukalenge Andrews, kí ndítèkemena dyà mashimi to. Mukàjì ewu mmwena Kilistò. Nènku dîbà dìdìye ùpeta bukolè, ùdi ùlwà kubàtijiibwa."

⁸² Ki yéyè ne: "Ùdi ùpùnga ne lufù." Yéyè ne: "Ndi . . . Mmunyì mùdiyekù mufwànyìne kuumushiibwa ku Silvercrest eku bwà kuyayè kumbèlu?"

⁸³ Mêmè kwamba ne: "Mukalenge, udi utàngila, udi . . . Cyûdì utàngila wêwè, udi utàngila wêwè cìdì bangàngàbukà bambè. Mêmè ndi ntàngila cìdì Nzambi mwambè." Nwamònù anyì?

⁸⁴ Mpindyewu, bìdi ànu bishìllàngana, cyûdì wêwè utàngila aci. Nwamònù anyì? Udi utàngila cìdì ngangàbukà wàmba, ncyà bushùwà ne neùfwé. Kàdi udi ne cyà kutàngila ku cìdì Nzambi mwambe. Ndîyì dyà nganyì diwàngatà?

⁸⁵ Ngambilaayi tûng bu Abraham mwangàte mmwènenu wa ngangàbukà awu bwà yéyè mwikàle ne bidimu lukàmà, kàdi ùlela mwânà ne mukàjèndè, wa bidimu makùmi citèèmà anyì? Cìvwâye mufwànyìne kwenza dîbà adi ncinyì? Nwamònù anyì? Mònà's, ngangàbukà's ùvwa mufwànyìne kwamba ne: "Muntu awu mmupâle." Kàdi Nzambi wâkamubadila bu bwakàne, bwalu ùvwa mwitâbùùje Nzambi. Nwamònù anyì? Mpindyewu, wêwè . . .

⁸⁶ Ne mukàjì awu ùvwa ne mwoyi. Wàkalèngulula bwà kubàtijiibwayè, mu Dînà dyà Yesù Kilistò, bwalu ndi ngèèla meeji ne ùvwa bu Méthodiste anyì Presbytérienne. Ke dìsaamà kumuneemenadi wènda ùsaama ànu kusaama. E kulwayè kumònangana ne Grace Weber, uvwa musòmbèle ànu, anyì, ucìdi musòmbèlepù, mwanéndè wa bakàjì ngucìdi mwaba awu, kuvwàlaye muzabi, ne kulwa mwaba ewu, ne kubàtijiibwayè mu Dînà dyà Yesù Kilistò, mwikale ne mubidi kapyà, ne dìsaamà dyà mapondú matayìke pa makaaya èndè pwônsò apu ne byônsò, ne mubidi kapyà, cipimu cyà makùmi ne yïnaayi. Ne wàkabàtijiibwa ànu kaaba aka mene, mu Dînà dyà Yesù Kilistò. Ne mmusòmbèle ànu dinsambù dyà mùsèèsù kuumukila mwab'ewu. Ùdi mwà kwikala musòmbé mwab'ewu mpindyewu. Mvwa nkènzakana bwà kumònà ní mvwa mwà kumumònà,

kùkaadi ndambù wa tusunsa. Nwamònù anyi? Ditumikila, nudi numònà's.

⁸⁷ Kacyèna ànu kunyùnguluka pàtupu to... Ncyêna mpetangana ne bàmwè bàà ku bânà bëètù, bàdì ànu bâtentekela *ewu* byanza, *wàwa*, ne *mukwàbò*, mùshindù awu, ne bàmba ne diitabuuja kampànda dyà masaluka ke dyènzà cyôci aci. Ki ng'aci to. Bìkèngela wìkalè ne diitabuuja dishùwashùwàlè, dishìndàmè, dyà mu Bible, dyà Nyumà Mwimpè. Nwamònù anyi? Kacyèna, kacyàkunènga to. Kacyèna cìnènga to.

⁸⁸ Ki bwà cinyì ndi mwà kusàkidila Mukalenge bwà mudì Ye mungambùlwishe too ne mpindyewu. Dyo—dyo—dyondopiibwa dìdì dyenzèke ndyà dishùwashùwàlè, bwalu ndiibakila bushùwà menemene pa EMU MMÙDÌ MUKALENGE WÀMBA. Nwamònù anyi? Ki bwalu kaayì nedítwe makàsà pansi.

⁸⁹ Mpindyewu—mpindyewu, bu kàalaasà kakesè kàà Dyàlumingu, Mvwa mwindile ànu kasùnsa kàmwè, ngààkulangana neenù, too ne pàvvàbo mwà kupeta yàbò myaba, kusòmbapu, bwà twàmònaku bwà kupeta ditalala mpindyewu. Tudi ànu ne tusùnsa tukesè cyanàànà, netùsambilé, tubanga kusambilá.

⁹⁰ Mpindyewu, ndi muswè bwà yônsò wa kunùdì nùtondè bilèmà byènù kùdi Nzambì, ne nùlayè Nzambì ne nenùmusadìle Yéyè ne kwenza cyônsò cinùdì mwà kwenza aci. Ne mpaasatà ne mêmè netùsambilé, ne kulwa kunùtentekela byanza, nènku nudi batwishiìbwé bwà kwondopiibwa nwénù mwà kwitabuuja cyôci eci.

⁹¹ Mmunyì mùvvà bantu bàvvà bëndela ku mabaya à balèma abu, bampudi macì, ne tumama, ne bafofo, dyàlumingu dishààle mu mapingaja, babànde too ne ku cibùmbà cyà ku cyambilu, bimanshe mabaya àbò à balèma awu; bàbànda ku cibùmbà cyà ku cyambilu, mèsù matàbale, nudi bamanyè's, mùshindù awu? Nkàmà ne nkàmà yàbò! Too ne, mûmvwà mupòyòònge, bavwa ànu bu banjingile mwaba wônsò awu, biimànè ànu kuulu, kabiyì bijika to. Nwamònù anyi? Mulongo wà mufwànyìne kuumuka apa too ne ku Cilongelu Citùmbùke cyà ku Jeffersonville kwaka, pabwípì ne aku, kacya bëèla mulongo, bënda bàpicila mu mulongo amu. Nènku ncyèna mumanyè ne kùdi umwe wabò, uvwa mupicilemù, kàyì mwondòpiìbwé to. Nwamònù anyi? Bwalu bàvwa balwè bashindàmèène pa diitabuuja dilelèlà, dishùwashùwàlè dyà Kilistò biikàle biìtabuuja. Bôbô... Bìvwa ne cyà kwenzeka.

Mpindyewu ìnyikaayi mitù yènù, muntu ne muntu, ngambùlwishaayiku bwà kubàsambidila.

⁹² Mukalenge Yesù, nyèwù tuKutwàdila, mu dìndà emu, batèèleji bàdì biimànè mwab'ewu aba, bindile, ne màsaamà, banyongàmè, bânà batàcishiìbwé. Kabèèna ne ditèkemena nànsha dimwè to, bààbûngì bàà kùdibo, Mukalenge, ku manga à

bangàngàbukà, nangananga muntu ewu udi mulààle pa kalààlù kàà dibùnyà kàà babèèdi. Bwalu bùdi ne anyì ngâsà Wêbè anyì muntu ewu ùdi ùmuka pa buloba mu matùkù makesè emu. Ne kakùyì mpatà to, kùdi mwà kwikala bàmwè biimàne ku cyoshelu eku, ne disaamà dyà myoyi dibìndile, ne mabèèdì, ne binyongopelu bìdì bifwànyìne mwà kubâtèèka ku luseke.

⁹³ Kùdi cintu ànu cìmwèpelè, Taatù, cìdì mwà kubàsÙngila, mbwena kwamba ne, kuya dyàmwàmwà dyà byumvwilu bitaanu kaaba aka byà mubidi ewu, mùdì bangàngàbukà bateetè ne lulamatu lwônsò, kakùyì mpatà to, bwà kusÙngila mwoyi wàbò; màsaamà, kànsérè, disaamà dyà cyâdì, disaamà dyà mwoyi. Nènku ne ditelakaja dyônsò edi, ne tulondò, ne byamù, ne—ne—ne manga àdì àlwisha twîshì, misùmbà yà mwena lukuna mmidisangishemù, bwà kwangata mwoyi wàbò.

⁹⁴ Nènku ndi mwakùle patòòke, Mukalenge, ndi njiitabuuja ne, mmwènenu Wêbè, kùdïbo. Nènku mvwa mûmvwe muntu wàkula mu myakulu mu dindà emu, ne ùfila dyandamuna, dyà cìvwà ne cyà kwenzeka leelù ewu. Bàmwè bàà kudibo nebàcipete, Mukalenge, mu bushùwà. Nyà bushùwà. Ndi nciitabuuja.

⁹⁵ Nènku mpindyewu, ànu mwàkafundiibwabi mu Bible, ne Davìdì, mwânà mukesè mulami wa mìkòòkò, ùvwa ûlama mìkòòkò yà tatwéndè, kuntwaku paanyimà pàà cipèèlè. Kàdi dîngà ditùkù nyamà wa ntambwe kulwayè kukwàta umwe wà bânà bàà mìkòòkò yà tatwéndè, e kuya nendè lùbilu. Ki nsongààlùmè mukesè mulami wa mìkòòkò awu, ne diitabuuja, ncinyì cìvwàye naaci bwà kulwisha nyamà wa ntambwe ewu? Ki cingoma nànsha butà to. Kàdi ùvwa ne ndundu mukesè wa nyuunyi, e kudimbanganayè ne nyama wa ntambwe awu. E kushebeyayè nyama wa ntambwe awu, ne kwalukilayè ne mìkòòkò awu. Ours ùbwélèle e kukwàtayè ùmwè; wàkadimbanganayè ne ours awu uvwa mwà kwikala mumusùnsùlwile pansi. Kàdi kàkatùma meeji ku bunène bwà ours to, anyi bukolè bwà nyama wa ntambwe, anyi lubilu lwèndè lukolè, anyì dibènga kukùmbànangana dyèndè ne ndundu wa nyuunyi.

⁹⁶ Kàdi pàvvàye mwimàne kumpàlè kwà mfùmù Shawùlà awu, kwambayè ne: “Mwena mudimu webè ùvwa ùdìisha mìkòòkò yà tatwéndè, ne nyama wa ntambwe kulwaye kukwàta ùmwè, e kupàtukayè lubilu. Ki mêmè kumudimbata e kwaluja mìkòòkò awu.” Yèyè ne: “Nzambì umweumwe wàkansÙngila ku cyanza, anyì ku dikamà dyà ours awu, anyi ku mbàngà yà nyama wa ntambwe awu, ùdi mwà kwangata kàbìdì mwena Peleshètè udi kàyì mutengula ewu kumufila mu cyanza cyànyì.”

⁹⁷ S’tudi bamanyè mwà kayà bwalu, ne wàkashipa; kushebeya muntu uvwa misangu yàbÙngì, misangu yàbÙngì munène mumutàmbe, ne mulwanganyi wa mvità. Cyàkapicila Shawùlà,

mfùmù munène awu, muntu munène, wa makàndà, mùvvwà mwânà mukesè wa balùme awu mwà kwikala ne diitabuuja dyà mùshindù awu mu ndundu wa nyuunyi. To, kî mmu ndundu wa nyuunyi to, kàdi mu Nzambì.

⁹⁸ Mpindyewu, Mukalenge, bàdì biimàne banyùngùlukile cyoshelu eci, balààle mwaba ewu pa kalààlu kàà dibùnyà kàà babèèdì aka, mmìkòòkò yà Nzambì, bânà bakesè bàà mìkòòkò, mùtùdì mwa kwamba, kùdìYe. Mbakwàcìibwe kùdì nyama wa ntambwe udi ubìikidiibwa ne kànsérè, ours udi ùbìikidiibwa ne disaamà dyà cyàdì, makwàbò màsaamà àdì mabàkwàte, ne mabàbùcìkile, ne mabàsùnsùlule tusunyatusunya. Mukalenge, nyéwù—nyéwù mbalondakaja, ne ndundu mukesè wa nyuunyi übìikisiibwa ne disambila dyà diitabuuja. Ki mbyàbûngì to, kàdi ndi mumanyè cìkaadibi byenze. Ne ndi mumanyè ne ùdi ànu Nzambì umweumwe awu. Ndi nyilonda, mu dìndà emu, bwà kuyaluja, Mukalenge, mu mpàta yà lutende lubìshi lワ bukolè bwà mubidi, mpweka naayì ku mâyì matalàle à ditalala, ne nyùmusha ku dipampakaja dyà meeji, bwà kukwitabuuja Wêwè.

⁹⁹ Nènku ndi mbalonda, ne cyà mvità cyÛvwà mufile bwà kubwelamù naaci. “Disambila dyà diitabuuja nedìsùngile babèèdì, ne Nzambì neàbàjuulè. Piìkalàbo benze ní mpèkaatù kaayì, neàbàfwìdilaye luse.”

¹⁰⁰ Nènku, Taatù, tudi tuyà mpindyewu bwà katwilangana ne mwena lukunà, bwà katwilangana ne nyama wa ntambwe, bwà kutwilangana ne—dyabùlù mu mmwènekelu wônsò mudiyé amu, übìikidiibwa ne kansérè, disaamà dyà cyàdì, kansérè kàà Hodgkin, disaama dyà mwoyi, disaamà kanà dyônsò dikwàbò. Tudi tulwa kumusangana, bwà kwaluja mwânà wa mùkòòkò ewu ku Nzùbu wa Nzambì kàbìdì. Mu Dînà dyà Yesù Kilistò tuyààya, bwà kukwàta mudimu ne ndundu wa nyuunyi ewu údì Wêwè mutùpèèshe awu. Ikàlakù neetù, Taatù, patùdì tuseemena ne kaneemu kônsò Kûdì mpindyewu apa, mu Dînà dyà Yesù.

¹⁰¹ Ndi muswè bwà nùshaalè ne mitù yènù miinyika. Nènku tudi tulwa bwà kulaaba maanyì, ne kutentekela babèèdì byanza, ne disambila dyà diitabuuja nedìsùngile mubèèdì. Mwena Kilistò yônsò munda emu, tèèka diitabuuja dyèbè ku mulongo wà babèèdì ewu.

[Mulongo wà babèèdì mmunenge tusunsa tûsàtù ne citùpà, mèyi àbûngì à Mwanèètù Branham kaëna àjinguludiibwa to—Muf.]

 Mu Dînà dyà Yesù Kilistò!

 Mu Dînà dyà Yesù Kilistò!

 Dînà dyà Yesù!

 Dînà dyà Yesù Kilistò!

 Dînà dyà Yesù!

Taatù, ndi ntàndisha dyabùlù! . . . ? . . .

Mu Dînà dyà Yesù Kilistò!

Mu Dînà dyà Yesù Kilistò! . . . ? . . .

Mu Dînà dyà Yesù Kilistò!

Lwâkù ùcítàbùùjè! . . . ? . . . ne necyènjiibwè! . . . ? . . .

Mukalenge, Wêwè! . . . ? . . .

Nzambi! . . . ? . . .

¹⁰² Mukalenge, Wêwè udi . . . Wêwè ngwâkafunda mpungà awu. Wêwè ki Cilongo cyà mu dísù, Kilistò! . . . ? . . . Mu Dînà dyà Yesù Kilistò!

¹⁰³ “Disambila dyà diitabuuja nedisungile mubèèdì.” Ndi muswè bwà Wêwè kumwenzelaci. Kumwaluja mukajì wa mubidi tumatuma! . . . ? . . .

Dînà dyà Yesù Kilistò, mwalujè!

Mu Dînà dyà Yesù Kilistò, mwalujè! . . . ? . . .

Mu Dînà dyà Yesù Kilistò alùja mwanèètù wa bakajì.

Mu Dînà dyà Yesù Kilistò, alùja mwanèètù wa balume! . . . ? . . .

Mu Dînà dyà Yesù Kilistò! . . . ? . . .

Mu Dînà dyà Yesù Kilistò! . . . ? . . .

Mu Dînà dyà Yesù Kilistò! . . . ? . . .

Kutu mwanji kucyènza to. Mukalenge àkubènèshè!

Ndi ndumbatangana naaci, mu dindà emu! . . . ? . . .

¹⁰⁴ Mu Dînà dyà Yesù Kilistò, ndi nkwaluja, ku disambila dyà diitabuuja, nkupàtula mu bupika! . . . ? . . . Tudi tusàkidila diitabuuja dyètù ku aa! . . . ? . . .

Itabuuja nàka;

Ne mitù yètù miinyika mpindyewu. Mpindyewu:

Itabuuja nàka, itabuuja nàka,
. . . bintu bìdi mwà kwenzeka, itabuuja nàka.

Éyì Mukalenge, ndi ngiitabuuja, Éyì
Mukalenge, ndi ngiitabuuja,
Bintu byônsò bìdi mwà kwenzeka . . .

Twélààyi ànu byanza byètù muulu cyanàànà mpindyewu.

. . . Mukalenge, ndi ngiitabuuja;

Éyì Mukalenge, ndi ngiitabuuja; Mukalenge,
ndi ngiitabuuja,
Bintu byônsò bìdi mwà kwenzeka, Mukalenge,
ndi ngiitabuuja.

¹⁰⁵ Taatù wètù wa mu Dyulu, aba bàvvà mwà kwimana kuulu, mbeeble byanza byàbò muulu, bwà ne mbaciitâbe. Mwanèètù wa balume ewu uvwa mulààle mu kalààlù kàà dibunya kàà babèèdì

awu, mmujuuke, bwà kuleeja ne ùvwa mwitàbe dyondopiibwa dyèndè. Tudi twitabuuja, Mukalenge, bàdi bàlukila mu ditalala mpindyewu mu mpàta wa lutende lubishi wa ditalàjì, ku kàlà kwà mâyì matalale, bwà kwikala cyàkàbidì basangalè, mu Dînà dyà Yesù. Tudi tuKwela twasàkidila bwà cyôci aci. Amen.

¹⁰⁶ Èyo, Mwanèètù Neville, nênsòmbe kaaba aka bwà kukùtèèleja uyiisha mpindyewu.

¹⁰⁷ [Ku cibangidilu kwàkà mu diyisha Mwanèètù Branham mutèèle “kantu kakesè kasàkidila” kàvwà Mwanèètù Thomas R. Nickel, Mufundi wa Dîyì dyà Bantu bàà Èvànjeeliyò mu Kaabujimà, mutèèkè mu dibèji dyà kumpàla dyà cyena bwalu, cidì cyàmba nùnku: “BWÀ FÒTÔ UDI PAMUTÙ PÀÀ CIBWIKILU: Mu Matùkù à Bible, kùvwa bantu bàà Nzambì bàvwà baprófetà ne bamònì. Kàdi mu Majaadiki wônsò à Cijila, nàンsha umwe wa ku bôbò abu kàvwa ne mudimu wà bwambi mupìte wà William Branham nàンsha, muprófetà ne mumònì wa Nzambì, mwanga fôtô udi umwèka pa cibwikilu cyà pamutù pa ndongamu wa ku tudyòmbà wa Dîyì dyà Bantu bàà Èvànjeeliyò mu Kaabujimà ewu. Branham mmukwàta nendè mudimu kùdì Nzambì, mu Dînà dyà Yesù, bwà kujuula bafwè!”—Muf.] 

DYÀMWÀMWÀ DYÀ CILÀMBÀ CIKÙDIKA CYÀ CIKONDÒ LUA61-0305
(Beyond The Curtain Of Time)

Diyiisha edi dya Mwaneetu William Marrion Branham dyakayiishiibwa bwa musangu wa kumpala mu Anglais mu dyàlumingu mu dinda, mu matùkù 5 a ngondo mwisaatu, cidimu cya 1961, mu Branham Tabernacle mu Jeffersonville, Indiana, U.S.A., Ndyumusha pa mukaba wa mèyì ne dituuta ku cyamu mu kaabujima kààdì mu Anglais. Nkudimwinu wa mu Ciluba ewu mmunuuta ku cyamu ne mwabanya kùdì Voice Of God Recordings.

CILUBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Dîyì dya bwena-cintu

Makenji ônsò tudi badilaminyine. Mukanda ewu udi mwa kutuuciibwa pa mabeji ne cyamu cya kwebe kumbelu bwa mudimu webe wêwè anyi bwa kupeeshangana, kabiyi bya mfranga to, bu cintu cya kutangalaja naaci Evanjeeliyo wa Yesu Kilisto. Mukanda ewu kawenaku mwa kusumbishiibwa, kuvudijiibwa bya bipitepite, kwediibwa mu cibànzà cya lüntândalà, kulamiibwa mu cikàlwîlà, kukudimunyibwa mu myakulu mikwabo, anyi kulombesha naawu mpetu kakuyi mukanda wa cishimbi-dîyì wa dikwanyishila mukufundila kudi Voice Of God Recordings® nansha.

Bwa kumanya maalu makwabo anyi kupeta bîngà bintu bitudi naabi, anyisha webeje:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org